

اوننگ گوجری نیوز بولین 4 نومبر 2025

یوہ آکاشوانی جموں ہے محمد اشفاق تے نصرت چودھری تیں خبر سُنو۔

HEADLINES

۱۔ وزیر اعظم نریندر مودی نے مشن لائیف ور ایک مضمون سانجہ کرتا واں کیو جے مشن لائیف پائیدادی نظام ور نمایاں اثر چھوڑ رہیو ہے۔

۲۔ لیفٹیننٹ گورنر منوج سنہا نے اج شمالی بھارت گا سب تیں برا چہڑی میلا غو افتتاح کی و تے اس دوران عوام تیں پہلائی بہتری گا رستہ ور چلن بارے عہد لیو۔

۳۔ قومی صحت مشن گا مشن ڈائریکٹر بصیر الحق چوہدری گو کہنو ہے جے حکومت جموں کشمیر اندر صحت بارے بہتر دیکھ بہال نظام نانہ مضبوط کرن بارے وعدہ بند ہے۔

۴۔ ایک بڑی راحت گے پیش نظر دسیو گیو ہے جے جموں مانہ ڈینگی گا معاملن مانہ قریب 66 فی صد غی کمی آئی ہے۔

۵۔ جموں سیاحت محکمہ کی طرفوں مکان مالکان نانہ اپناں کہراں نانہ مہمان خانہ گا طورور درج کران واسطے مدعو کیو ہے تانجے جموں مانہ سیاحت تے ثقافتی روایت نانہ فروغ دتو جاسکے۔

PM LIFE

وزیر اعظم نریندر مودی نے اج مرکزی وزیر بھوپیندر یادو گو ایک مضمون ساہنجو کیو جس مانہ کہیو گیو کہ کس طرح بھارت گو مشن لائیف تامل ناڈو گا ایری ٹینک نظام توں لے گے راجستھان گا جوہدس توڑی وقت گے مطابق تحفظ گ ا طریقہ نانہ بحال کردتو ہے جہیڑو کے سیاراں کی خدمت گا شعوری کماں بارے وی معلومات فراہم کرے ایک سماجی میڈیا پوسٹ مانہ وزیر اعظم نے بھارت گا حقیقی پائیداری نظام بارے وی رو شناس کروایو ہے۔

LG JHIRI MELA

لیفٹیننٹ گورنر منوج سنہا نے اج شمالی بھارت گا سب توں بڑا چڑی میلا غو افتتاح کیو یوہ میلو ہر سال کسان سنت بابا جتو گا اعزاز مانہ منعقد ہون آلو قابل احترام ثقافتی تے روحانی میلو ہے اس موقع ور ایل جی موصوف نے باتریاں واسطے کمیونٹی سٹاپ وقف کیا ہیں تے نال ہی مار سب ڈویزن مانہ سی ایس آر گے تحت ایک انڈور سپورٹس کمپلیکس گو وی نیں پتھر رکھیو یاد رے جے ہفتہ توڑی جاری رہن آلو یوہ میلو بھارتی تے غیر ملکی عقیدت منداں تے سیلانیان نانہ عاغب کرے گو اس سلسلہ مانہ انتظامیہ نے ٹریفک طبی امداد تے صفائی سمیت تمام انتظام نانہ حتمی شکل دے دتی ہے۔

MD NHM REASI

جموں کشمیر قومی صحت مشن گا مشن ڈائریکٹر بصیر الحق چوہدری نے ضلع اسپتال ریاسی غو دورو کرگے قومی صحت مشن گے تحت جاری اقدامات گو جائیزو لیو اس

دوران انہاں نے اسپتال گا ایمرجنسی وارڈ آپریشن تھیٹر امواتی سیکشن تسحیسی لیبارٹری سمیت اسپتال گا بکھ بکھ حسان گو معائینوکیو انہاں نے ڈاکٹراں پیرا میڈیکل سٹاف تے مریضاں سنگ گل بات کی تانجے خدمات گا معیار ادویات کی دستیابی تے مریضاں گا اطمینان بارے پہلاں توں رائے حاصل کی جاسکے اس سلسلہ مانہ جناب بصیر الحق چوہدری نے دیکھ پال کی فراہمی گا نظام نامضبوط بنان خاطر حکومت گا عزم نانہ اُجاگر کیو انہاں نے کہیو۔

GMC DODA THROMBOLYSIS

گورنمنٹ میڈیکل کالج ڈوڈہ غا طبی شعبہ نے ایک بڑی کامیابی حاصل کی ہے کیونجے ات پہلی واری فالج غا مریض گو علاج کامیابی تیں ہوو ہُن توڑی یوہ علاج صرف سرینگر مانہ دستیاب تھو ڈاکٹر گووندر کمار غے مطابق ایک مریض جس نانہ دماغی فالج ہوو تے جس غا جسم غو ایک حصو مفلوج ہو گیو تھو ڈوڈہ گورنمنٹ میڈیکل کالج غی طبی ٹیم نے فوراً سی ٹی سکین کی وتے تمام ضروری طریقہ کار مکمل کرن تیں بعد تھرمبولائسز علاج شروع کیو بروقت علاج غی وجہ تیں حالت بہتر ہو گئی اس بارے گل کرتا واں ڈاکٹر گووندر نے اس طرح کہیو۔

VANDE MATRAM

گورنمنٹ ڈگری کالج کشتواڑگی قومی کیڈیٹ کور غا سنئیر گروپ تے سنئیر ونگ یونٹ نے قومی گیت وندے ماترم غا 150 سال مکمل ہون غی یاد مانہ ایک فن تے تصویر غا مقابلہ منعقد کیا یاہ تقریب این سی سی کیڈیٹس غی خوبصورت تے جزباتی آواز مانہ وندے ماترم گیت تیں شروع ہوئی جس تیں پورا ماحول مانہ خُبالوطنی غو جوش پر گیولیفٹینٹ پرتھوی راج نے حاضرین تیں خطاب کرتا واں وندے ماترم غی تاریخی اہمیت ور روشنی کہلی اس مقابلہ مانہ ایس ڈی تے ایس ڈبلیو غا 50 تیں زیادہ این سی سی کیڈیٹس نے بھر پور حصولیو۔

DENGUE CASES DROP

رہائشیاں واسطے ایک بڑی راحت گے پیش نظر جے ایم سی کمشنر دیوانس کمار نے دسیو جے اس سال ڈینگو گا معاملات مانہ 66 فی صد غی کمی آئی ہے انہاں نے محکمہ صحت گا ملازماں کی اس بارے انتھک کوششاں کی تعریف کی ہے تے اس سلسلہ مانہ انہاں نے شہریاں نانہ اپیل کی جے وے اس مثبت رجحان نانہ برقرار رکھن خاطر جموں کشمیر نانہ ڈینگو توں محفوظ رکھن خاطر احتیاطی تدابیر اختیار کریں۔

JAMMU HOMESTAY

جموں محکمہ سیاحت نے ایک نویں پہل گے تحت کہر گا مالکاں نانہ مدعو کیو ہے جے وے اپنا کران نانہ ہوم سٹے یعنی مہمان نوازی واسطے درج کراویں جھڑا اکثر اپنا کران نانہ مہمان خانہ گا طورو رو پیش کریں تانجے اس ثقافت نانہ بہتر طریقہ کار سنگ اگے بدھایو جے، اس پہل گو مقصد مسافراں نانہ جموں کی قدرتی خوبصورتی مقامی ذائقہ تے روایات گو مستند تجربو فراہم کرگے مقامی سیاحت نانہ فروغ دینو ہے واضع رہ جے دلچسپ مکان مالکاں زمین کی ملکیت یا لیز تے کُنباں گا افراد کی فہرست عمارت کی تصویر کریکٹر سرٹیفیکیٹ تے ادھار کارڈ سمیت دستاویزات جمع کرگے درخواست دے سکیں اس سلسلہ مانہ اندراج کران واسطے تم سیاحت بارے ڈائریکٹریٹ جموں مانہ رابطو کرسکیں یا 8457-890-1800 ور کال کرگے پتو لاسکیں۔

GST HEALTH CARE

نویں جی ایس ٹی اصلاحات گے تحت حکومت نے صحت گی دیکھ بہال گا شعبہ مانہ ٹیکس مانہ نمایان کمی کی ہے ضروری ادویات ور جی ایس ٹی نانہ 12 فی صد توں کہٹ کرغے 5 فی صد کیو گیو بے جد کہ 33 دیگر ضروری ادویات نانہ اس دائرہ تیں باہر رکھیو گیو بے جس سنگ دائمی تے شدید بیماریاں گا علاج نانہ مزید سستو کیو گیو بے اس تیں علاوہ طبی آلات جن مانہ گاج، بینڈیج، ڈائگناسٹک کٹ تے تھرمو میٹر نانہ 12 فی صد توں کہٹ کرغے 5 فی صد سلیب مانہ رکھیو گیو بے۔ اس مانہ مزید یوہ کے صحت تے زندگی بارے انشورینس جیسی پالسیاں نانہ بلکل ٹیکس توں باہر کیو گیو بے تانجے مریضاں ور مالی بوج نانہ کہٹ کیو جے۔

RAJOURI ACCIDENT

اج سویرے راجوری ضلع مانہ جموں راجوری پونچھ شاہراہ ور ایک نکی بس گا پلٹ جان گی وجہ توں قریب 28 افراد زخمی ہو گیا ہیں جن مانہ زیادہ تر طلباے شامل ہیں یاد رے جے پاہ بس راجوری جارئی تھی تے اس دوران دائیور گا کنٹرول توں باہر ہو جان بعد ٹھنڈی کسی کا مقام ور حادثہ غو شکار ہو گئی اس موقع ور امدادی کارگناں نے فوری طور حرکت مانہ آتا ہی قریب 28 زخمیاں بشمول 26 طلبا نانہ میڈیکل کالج راجوری منتقل کیو دسیو گیو بے جے ان زخمیاں مانہ دو طالب علم شدید زخمی ہوا جن مانہ 15 سالہ علیزہ تے 11 سالہ چاقب نانہ میڈیکل کالج جموں منتقل کیو گیو بے مزید معلومات دیتا واں ڈپٹی سپرائنٹنڈنٹ جی ایم سی راجوری ڈاکٹر جاوید اقبال نے اس طرح کہیو۔

CYBER AWARENESS

کشتواڑ پولیس نے اج بابا غلام شاہ باردشاہ نرسنگ کالج کشتواڑ مانہ ایک بیداری تقریب گو انعقاد کیو تانجے طلباء نانہ سائبر رویہ بارے آگاہی فراہم کی جاسکے اس دوران سائبر پولیس کشتواڑ گا انچارج انسپکٹر امتیاز احمد تے اس سلسلہ مانہ ماہر سب انسپکٹر موئین خان نے ایک پرزنتیشن پیش کی جس مانہ دسیو گیو جے کس طرح سائبر پولیس نے سائبر جرائم گا معاملات نانہ حل کیو تے نال ہی ات شریک ہوا افراد نانہ سائبر گا خطرات بارے آگاہ کیو انہاں نے طلباء ور زور دت وجے وے سوشل میڈیا نانہ استعمال کرتا واں خاصہ محتاط ریں اس تیں بعد پرنسپل فکیٹی ممبر تے طلبہ نے اس تقریب نانہ انعقاد کران خاطر کشتواڑ پولیس گو شکریو ادا کیو۔

WEATHER

جموں کشمیر مانہ اج تے پلک موسم عام طور ور ابرالودرے غو شام تے رات غے وقت پہاڑی علاقاں مانہ ہلکی بارش تے برف باری ہوسکے محکمہ موسمیات نے خبردار کیو ہے کہ اج شام گجھ علاقاں مانہ گرج چمک غے نال تیز ہوا چل سکے پلک تیں تہاڑی تے رات غا درجہ حرارت مانہ نمایا کمی متوقع ہے انتظامیہ نے کساناں نانہ مشورو دتو ہے کہ اج تے پلک نانہ کھیتاں مانہ کم نانہ عارضی طور ور روک دین تے لوکاں تیں اپیل کی گئی ہے کہ اس دوران احتیاط برتیں۔
